

卷百十之一百十三

禮部

主客司

給賜一

在京官員人等公差附

王府回賜附

給賜二

外夷上東北

給賜三

給賜四

土官

給賜番夷通例

歲進

大明會典

重修

大明會典卷之一百十

禮部六十八

給賜一

在京官員人等

公差附

登極

人

皇帝登極賜在京文武羣臣及軍民人等銀絹布鈔

宣德十年。公銀六十兩。侯伯駙馬五十兩。一品

二品四十兩。三品二十兩。四品至五品遞減五

兩。六品至八品遞減二兩。九品四兩。雜職三兩。

故侯伯之家。及未承襲者。各十兩。將軍校尉軍

匠人等各二兩。優給幼官。并紀錄幼軍。各照本等例減半辦事官。監生。生員。人材。吏典。陰陽。醫士。樂人。各絹一疋。在京廂民工匠廚役僧道人等。各布一疋。營造山陵軍人。鈔一百貫。乾魚三斤。聽選公差及四夷朝貢人員。各賜鈔有差。弘治十八年。公侯駙馬伯。銀二十兩。一品二品十五兩。三品十兩。四品八兩。五品六兩。六品七品五兩。八品四兩。雜職三兩。操備及營操官員皆同。故侯伯之家及未承襲者。各五兩。優給幼官及鰥寡老疾軍官。一品二品銀六兩。三

表裏五品六品各紵絲一疋。雜職絹一疋。試鎮撫百戶各絹四疋。史館官生。禮部鑄印局儒士。順天府學生。四夷館譯字生。錦衣衛聽差。并營操舍人。欽天監天文生。太常寺樂舞生。太醫院醫士。武學官生。每名絹一疋。優給優養官。一品二品銀五兩。三品四兩。四品五品三兩。六品以下。二兩。優養軍官母妻。每口銀二兩。將軍旗校。力士軍匠。馴象養馬及操備等項。旗軍勇士。并營操家丁。每名銀二兩。紀錄旗校力士幼軍。每名銀一兩。脩理山陵官軍官。照前給與表裏絹

疋軍每名二兩。其已支領者不許重支。各衙門
歷事監生。正歷免二箇月。雜歷免一箇月。長差
三箇月。見在監者。先送冊送吏部。候撥歷到部
之日。照數減免。各衙門辦事官免辦一箇月。知
印并各當該吏三箇月。承差并辦事吏二箇月。
周歲辦事吏一箇月。司班官吏。每一年減一箇
月。其見在聽撥當該辦事者。吏部各造冊案。候
著役之日。照數減免。陰陽人。醫生。順天府坊廂
里老。各衙門民匠及京子樂上。每名綿布一疋。
各邊軍。每名銀二兩。左官往各鎮頒給。六年賞

如元年例內增雜職并太常寺冠帶協律郎等
官。每員絹二疋。東宮帶刀舍人賞同。東宮各衛
侍衛舍人。應襲并書寫。應舍。每名絹一疋。翰林
院習字生員。三大營侯伯。應襲舍人。及內官監
冠帶匠役。賞同。織染局種藍軍匠。每名銀一兩

纂修

凡修

實錄。永樂元年。賜監修官銀一百兩。綵幣六表。裏織
金紗衣一套。鞍馬一副。總裁官銀八十兩。綵幣
五表。裏織金紗衣一套。鞍馬一副。纂修官銀五

十兩。綵幣四表裏。紗衣一套。催纂兼騰寫官。銀三十兩。綵幣二表裏。紗衣一套。催纂官。銀二十五兩。綵幣二表裏。紗衣一套。騰寫監生。生員。儒士。各銀十兩。鈔三十錠。綵幣一表裏。騰寫吏。各銀八兩。鈔三十錠。綵幣一表裏。催督騰寫官。鈔二十錠。絹二疋。辦事吏。各鈔二十錠。絹一疋。○弘治四年。賜監修官總裁官。各銀八十兩。綵幣四表裏。羅衣一套。鞍馬一副。副總裁官。銀八十兩。綵幣四表裏。羅衣一套。纂修官。銀三十兩。綵幣四表裏。羅衣一套。催纂官。銀二十兩。綵幣二

表裏。羅衣一套。騰錄官。銀十五兩。綵幣二表裏。羅衣一套。收掌文籍官。銀十兩。綵幣二表裏。騰錄監生。銀五兩。綵幣一表裏。辦事吏。典。鈔二十錠。絹一疋。各色人匠。鈔二十錠。布一疋。官陞擢。事故去任。及監生。事故去者。又近不。賞賚有差。○嘉靖四年。賞如弘治四年例。惟纂修官。收掌文籍官。各減一表裏。續添騰錄官。賞如監生。○萬曆二年。賞如嘉靖四年例。其羅衣一套。折衣。羅三疋。收掌官。賞銀十五兩。綵幣二表裏。折衣。羅三疋。史館。騰錄官。銀十兩。綵幣一表裏。譯

字官生。生員賞如監生。史館官吏及校尉賞如辦事吏典。貼寫官吏賞如各色人匠。○五年僧
稽考叅對官內侍郎賞如纂修官。修撰等官賞
如收掌官
凡修

王牒。萬曆四年。賜內閣元輔銀四十兩。大紅紵絲
四表裏。新鈔五千貫。次輔各銀三十兩。大紅紵
絲三表裏。新鈔三千貫。脩校官各銀二十兩。大
紅紵絲一表裏。新鈔二千貫。查對官銀十五兩。
謄錄官各銀十兩。俱大紅紵絲一表裏。新鈔一

千貫

經筵

凡

經筵初開。知經筵同知經筵。并侍班官各賜銀五
十兩。絲幣四表裏。鈔五千貫。通政大理侍班官
并講書官各銀三十兩。絲幣二表裏。鈔三千貫。
展書官各銀二十兩。絲幣一表裏。侍儀并寫講
章官各銀十兩。紵絲一表裏。俱鈔一千貫。大漢
將軍各絹一疋。仍

特賜閣臣蟒衣一襲。日講官各大紅織金羅衣一襲。

或冠帶無常

視學

成化元年。

駕幸太學後三日賜襲封衍聖公大紅織金麒麟紵絲衣一套犀帶一條紗帽一頂顏孟二博士青織金雲鷲紵絲衣一套玳瑁帶一條紗帽一頂三氏族人俱素紵絲衣一套講官祭酒司業各照官品大紅織金紵絲衣一套羅衣一套監丞以下各青織金紵絲衣一套監生鈔各五錠吏典二錠後俱如例

耕藉

弘治元年賜終畝農人各布一疋萬曆八年賜三公九卿紵絲一表裏牽牛老人六名各布二疋從耕老人三十六名各布一疋教坊司官五員各銀一兩念禾詞官人二十二員各銀五錢執旗俳色長三百一十三名各銀三錢

大閱遺閱營操附

隆慶三年。

大閱前三日賞軍士銀每名三錢閱射分四等其一等馬步箭全中者官賞銀十兩銀牌一面紵

絲二疋折銀五兩。內平日無過有薦者仍紀錄。超用軍賞銀一兩。紅布三疋折銀一兩。馬全中。步中四五箭者官賞銀五兩。銀牌一面。色段二疋。折銀三兩。內無過者亦紀錄。敘用軍賞銀一兩。紅布一疋折銀三錢。馬步二箭至三箭者官賞銀三兩。銀牌一面色紗一疋折銀一兩。軍賞銀一兩。二等馬二箭三箭步一箭者官賞銀一兩五錢。銀牌一面。軍賞銀四錢。其三等馬中而步不中或步中而馬不中官准策勵供職軍免責治。若馬不中步中三四箭以上者賞如二等。

其四等馬步俱不中。公侯伯罰住祿未三箇月。錦衣衛并各衛願射官罰俸三箇月。營中將領等官罰俸半年。內有過者革任軍照例決打。若係教師家丁仍革支月糧一石。軍士放火器舞刀鎗鈎鏹亦分四等賞罰。頒賞之日仍賞總協戎政大臣各銀二十兩。紵絲二表裏。巡視京營科道各銀十兩。一表裏。

凡遣官閱視團營官軍嘉靖二年。令馬步中箭一等者俱賞鈔三百貫。劣等罰俸。

凡團營操演步射火銃俱懸銀牌每一面三錢。

中即賞之

冊立東宮

弘治五年文武官各分五等。一等賜紵絲二表裏。二等至四等。一表裏。五等紗一疋。南京同公。差等項官亦同京衛外衛。見操官軍及侍衛帶刀直宿錦衣府軍等衛御馬監并武驤左等四衛官舍將軍旗軍勇士。

午門等門并正陽等九門官軍各銀一兩錦衣等衛所官各絹一疋。力士旗校軍奴并監局軍匠各米一石。

內府軍廚民匠大常光祿寺廚後各米七斗

節令時鮮附

洪武十六年令在京文武官吏人等。正旦元宵節錢支與胡椒斤兩不等。○十七年令冬至節錢支鈔不等。○二十二年重定賞例。公侯伯鈔十錠。武職一品二品七錠。三品至八品五錠。文職二品至六品六錠。七品至九品三錠。未入流官。一錠。監生。一錠。俳優。一錠。樂工。二貫。樂舞生。二貫。各寺首座住持。一錠。衆僧。一貫。○二十六年令。

聖節在京官吏監生軍民僧道並賜鈔近例准閣臣講官或

特賜銀幣有差○永樂二十二年令

皇親遇節令照例賜鈔若大臣不預宴公侯伯都

督尚書賜鈔一千貫侍郎五百貫宣德正統以

後遇節令文武官及外夷人員并國師以下除

有宴外其餘官吏人等俱照例關支節錢官并

監生鈔一錠儒士知印吏典僧道樂工二貫若

奉
旨免宴關與節錢大小官員各鈔一錠遂為定例○

嘉靖七年賜文武官制錢當鈔公侯并一品二

百文內閣衍聖公張真人同二品三品一百文

四品至六品九十文七品至九品七十文其餘

及朝覲官吏錢鈔中半鈔一貫折錢二十一文

凡端午節文武百官俱賜扇并五綵壽絲縷人

臣及日講經筵官或別賜牙邊扇并綵絲艾虎

等物各以品級為等嘉靖中內閣輔臣更禮二

部尚書及日講官講衍義官又別賜川扇有差

凡各處歲進時鮮如鮓魚筍藕枇杷楊梅之類

賜文武大臣及日講官各以品級為等

慶賀

凡各

王府差來進表箋人員每人賜盤纏鈔一錠。南京

并在外三司官及諸司差來人員各五錠。各

王府差來進禮物人員二十錠。其

王府內外官員每員

內府別給綵段一表裏。鳳陽等處

皇陵祠祭署官員社長土民陵戶女戶人等朝賀到

京鈔十錠。南京并三司官進表回辭朝別賜鈔

出自

特恩

五千貫。三品四千貫。四品三千貫。五品二千貫

六七品一千貫。八九品并雜職五百貫

公差

凡總兵鎮守提督巡撫等官辭朝例賜銀幣寶

鈔等物各以事之輕重為等

凡文武大臣奉

旨勘事回還及督工選軍審囚等項事畢賜鈔幣羊

酒等物各以事之輕重為等

功賞

各處獲功鎮巡總兵等官俱從兵部咨開

欽賞數目到部銀兩行司禮監表裏行內承運庫關
出付公差人員齎給其官旗軍舍人等亦從兵
部奏定加賞給賞量賞詳在武選司移咨到部仍查
各地方賞格關出付公差人員齎給各巡撫衙
門造冊奏繳仍咨禮部查考○嘉靖四年題准
功賞數少付公差人員順齎遇有數百兩以上
綵段數百疋以上本部照例委官一員齎去交
割各處巡撫官仍將領過賞賜年終造冊類報
○隆慶二年題准

欽賞銀兩表裏等件通發各該總督巡撫衙門投驗

給散除總兵官具謝

恩外三司將佐等官將領過賞賜申報督撫衙門造

冊類去其赴部領賞員役驗有彼處真正批文

方准給發將原批上填寫數目用印鈐蓋各該

督撫衙門年終將給散過各官數目姓名類冊

奏報仍咨禮部以憑查考受賞人員或以事到

京許親告領仍取領狀附卷若陞去新任地方

聽督撫官轉齎新任處督撫衙門一體查給類

冊奏報每年三月終通將前一年賞賜無回報

者各行各該督撫稽查未到者即拘原役究問

仍通將已_到未到備咨禮部查考○萬曆六年
題准功賞銀年遠無人關領者交還內庫

雜給

凡

王府求討書籍藥材等物及書院樓堂等名皆請

自

上裁大臣亦間有賜者俱屬祠祭司掌行

凡

親王為本府承奉請給服色查其年久勤勞有功

請自

上裁年勞不及者不與

凡欽天監_和既象臺官生弘治元年奏定每二年

一次給與_祭禦寒毛襖冬初具題行工部關領

凡大漢將_用甲襯甲服色舊例五七年一次換給

正德十三_年令三年一給每四員名共大紅紵

絲五表裏紗羅同

凡在京軍_官之家選中侍女進入

內庭者嘉靖一十六年准收充女戶食糧免差仍

各賞銀五兩段一疋

王府

四賜附

凡

登極成化二十三年。

賜親王。一等銀三百兩。紵絲十五表裏羅十五表裏。紗十五疋。錦三疋。鈔二萬貫。二等銀三百兩。紵絲十表裏羅十表裏。紗十疋。錦三疋。鈔二萬貫。三等銀二百兩。紵絲十表裏羅十表裏。紗十疋。錦三疋。鈔一萬貫。○正德十六年。

賜親王。一等銀五百兩。紵絲二十五表裏羅二十五表裏。紗二十五疋。錦五疋。新鈔二萬貫。二等銀四百兩。紵絲二十表裏羅二十表裏。紗二十

疋。錦四疋。新鈔二萬貫。三等銀四百兩。紵絲十五表裏羅十五表裏。紗十五疋。錦四疋。新鈔二萬貫。四等銀三百兩。紵絲十五表裏羅十五表裏。紗十五疋。錦四疋。新鈔一萬貫。

凡

皇子誕生嘉靖十二年

賜親王。一等。大紅織金五綵團龍常服。紵絲一襲。紗一襲。羅一襲。二等。大紅織金閃色團龍常服。紵絲一襲。紗一襲。羅一襲。三等。大紅織金團龍常服。紵絲一襲。紗一襲。羅一襲。○十五年。

賜親王。一等織金五絲常服紵絲一襲。白金三百兩。彩段十表裏。二等織金常服紵絲一襲。白金二百兩。彩段八表裏。三等織金常服紵一襲。白金一百兩。彩段六表裏。○十六年。

賜親王。一等織金五彩常服羅一襲。白金一百兩。彩段六表裏。二等織金常服羅一襲。白金八十兩。彩段四表裏。三等織金常服羅一襲。白金五十兩。彩段二表裏。○萬曆十年。

賜親王。各大紅織金閃色團龍常服紵絲一襲。紗一襲。羅一襲。管理。

親王府事者。與

靖江王。各大紅織金團龍常服紵絲一襲。

凡冊立

東宮。成化十一年。

賜親王。一等銀二百兩。紵絲八疋。紗八疋。羅八疋。錦四段。生熟絹十六疋。高麗布十疋。白縠絲布十疋。西洋布十疋。二等銀一百兩。紵絲六疋。紗六疋。羅六疋。錦四段。生熟絹十二疋。高麗布六疋。白縠絲布六疋。西洋布六疋。○嘉靖十八年。賜親王。一等銀三百兩。紵絲十疋。紗十疋。羅十疋。

錦四段。生熟絹三十疋。高麗布十疋。白模絲布
十疋。西洋布十疋。二等銀二百兩。紵絲八疋。紗
八疋。羅八疋。錦四段。生熟絹十六疋。高麗布六
疋。白模絲布六疋。西洋布六疋。三等銀一百兩。
紵絲六疋。羅六疋。錦四段。生熟絹十二疋。高麗
布六疋。白模絲布六疋。西洋布六疋。○隆慶三
年。

賜親王各銀二百兩。紵絲八疋。紗八疋。羅八疋。錦
四段。生熟絹十六疋。高麗布六疋。白模絲布六
疋。西洋布六疋。管理

親王府事者與

靖江王各銀一百兩。紵絲六疋。羅六疋。錦四段。生
熟絹十二疋。布同前

凡

蜀王府進扇回賜銀三百兩。大紅金絲常服三襲。
若係世子改綵段四表裏銀同。差來賞鈔五
百貫

大明會典卷之一百十

大明會典卷之一百十一

禮部六十九

給賜二

朝廷給賜番夷及官員人等或出

物恩或夷人求討或禮部酌請其例不一今具列其可考者于後

洪武二十六年定凡諸番四夷朝貢人員及公侯官員人等一切給賜如往年有例者止照其例無例者斟酌高下等第題請定奪然後禮部官具本奉聞關領給賜○凡賞賜金銀鈔錠疋帛之類金銀請長隨內官關領疋帛係內承運

庫收貯冠帶衣靴係工科工部官收掌鈔錠係
戶部官分授關領其物或於

奉天門或

奉天殿丹陛或

華蓋殿用卓頓放引受賜人朝北立置物於前受
賜人叩頭畢以物授之如多至十人百人則先
以所賜之物唱名分授各人行列叩頭畢於該
科出帖赴

午門倒換勘合照出所賜之物復令次日謝

近年賞賜公侯官員人等於會極門頒給

北 東北

朝鮮國洪武間賜國王大統曆及錦繡絨綺王
母妃金綺紗羅相國等官綵段紗羅又賜廟社
樂器永樂間給國王冕服九章圭王佩玉五經
四書春秋會通大學衍義等書王父紵絲紗羅
妃珠翠七翟冠紅紵絲大衫素紵絲圓領霞帔
金墜又給綾絹茄藍香帽珠鍍金銀匣象牙犀
角通鑑綱目列女傳等書腦麝沉檀白花蛇等
藥又賜編鐘編磬各十六瑟笙各二琴簫倍之
正統間給遠遊冠絳紗袍翼善冠龍袞玉帶本

國奏請弓材牛角准歲買五十枝。又准歲買弓面二百。不得過數。嘉靖中。奏請收買樂律及行太常寺校定。令御用監製十二管給之。○差來進貢陪臣賞織金紵絲衣一套。綵段四表裏絹五疋。書狀通事押物等官每人素紵絲衣一套。綵段二表裏絹二疋。布一疋。從人絹衣一套。布一疋。陪臣以下各靴襪一雙。差來謝。

恩者賞同。○差來奏事陪臣賞織金羅衣一套。綵段二表裏絹二疋。通事每人素羅衣一套。綵段一表裏布二疋。從人絹衣一套。布一疋。靴襪同前。

○送回人口。給賜國王銀一百兩。錦四段。紵絲十二表裏。寫

勅獎勵。○漂流夷人到京。給薪米外。仍各給胖襖。

一件。鞞鞋一雙。如夏月。改給木綿布衣二件。

日本國永樂間。賜國王冠服。紵絲紗羅金銀古器書畫等物。宣德十年。回賜國王。紵絲二十表裏。紗羅各八疋。錦二段。銀二百兩。妃銀一百兩。成化二十年。回賜國王。紵絲二十表裏。紗羅各二十疋。錦四段。銀二百兩。王妃。紵絲十表裏。紗羅各八疋。錦二段。銀一百兩。○差來正副使。每

員金襴袈裟一領。鍍金銀鈎環全羅直裰一件。羅褊衫一件。紵絲二疋。紗羅各一疋。絹六疋。銅錢一萬文。靴鞵各一雙。居座以下土官。從僧通事。從人有差。○正貢外。使臣自進。并官收買。附來貨物。俱給價不堪者。令自貿易。

琉球國。洪武十六年。賜國王文綺等物。山南王亦如之。後賜中山王。山南王。山壯王。紵絲。紗羅。冠服。王妃。紵絲羅。王姪王相。寨官。絹公服。後又回賜國王。錦四段。紵絲羅各六疋。紗八疋。王妃錦二段。紵絲紗各四疋。○差來王舅。絲段四表。

裏羅四疋。紗帽一頂。釵花金帶一條。織金紵絲衣一套。靴鞵各一雙。長史使者。每員絲段二表。裏折鈔綿布二疋。通事每員。絲段一表。裏折鈔綿布二疋。從人。每名折鈔綿布二疋。留邊使者。通事。從人。賞同。○正貢外。附來貨物。官抽五分。買五分。

安南國。洪武元年。賜國王。大統曆及綵段等物。景泰二年。照朝鮮國。宣德十年。例。給賜綵段十表。裏錦四段。嘉靖二十年。改都統使。令廣西布政司。每年印給大統曆一千本。二十一年。令都

統使仍照安南國王例給賞。萬曆四年。以慶謝補貢。面賜例外加綵段四表裏錦二段。○差來陪臣。每員綵段二表裏紗羅各一疋。織金紵絲衣一套。折鈔絹五疋。靴鞵各一雙。行人從人有差。

真臘國。洪武六年。賜國王大統曆及綵段等物。景泰三年。賜王錦二段。紵絲六疋。紗羅各四疋。王妃。紵絲四疋。紗羅各三疋。○差來頭目并通事總管火長。衣服紵絲絹布有差。

暹羅國。洪武間。賜國王大統曆及織金紵絲紗羅等物。永樂十五年。給王錦四疋。紵絲紗羅各十疋。內各織金四疋。王妃。紵絲鈔羅各六疋。內各織金二疋。宣德間。各減半。正統以後。俱照永樂十五年例。○正副使臣。初到。每人織金羅衣一套。靴鞵各一雙。未經冠帶者。給紗帽素金帶。先曾到京冠帶者。換給釵花金帶。正賞。紵絲羅各四疋。折鈔絹二疋。綿布一疋。織金紵絲衣一套。通事人等。初到。每人素羅衣一套。靴鞵各一雙。未經冠帶者。給紗帽素銀帶。先曾到京冠帶者。換給釵花銀帶。正賞。紵絲羅各二疋。折鈔絹

一疋。素紵絲衣一套。番伴初到。每人絹衣一套。靴襪各一雙。正賞折鈔綿布一疋。胖襖袴鞋各一副。其存留廣東。有進貢者。頭目人等。每人賞素紵絲衣一套。紵絲羅各二疋。從人。每人紵絲絹衣一套。紵絲一疋。番伴人等。每人折鈔綿布一疋。胖襖褲鞋各一副。○使臣人等。進到貨物。例不抽分。給與價鈔。

占城國。洪武二年。賜國王。大統曆。使臣文綺紗羅各一疋。仍給冠帶。永樂元年。賜國王。錦二疋。紵絲六疋。紗羅各四疋。王妃。紵絲四疋。紗羅各

三疋。後照此例。○差來王弟王孫。初到。賞織金羅衣。并紵絲衣各一套。正賞紵絲六疋。紗羅各四疋。紵絲衣一套。折鈔絹二疋。正副使。初到。每人織金羅衣一套。正賞綵段四表裏。絹二疋。折衣綵段二表裏。正副通事。至正象奴等。初到。每人賞素羅衣一套。正賞綵段二表裏。折鈔絹一疋。折衣綵段一表裏。從人。初到。每人絹衣一套。正賞折鈔綿布一疋。折衣絹四疋。俱與靴襪各一雙。其正副使。通事人等。給賜冠帶。及給換例。與暹羅國同。正將士。大頭目。及舍人。辦事火長。

總管幹事各項。正者每名各烏紗帽一頂。黑角帶一條。

爪哇國永樂初。賜東西王紵絲紗羅帳幔。手中羊酒器皿。王妃紵絲紗羅手巾等物。正統三年。賜王紵絲十疋。紗羅各三疋。妃紵絲六疋。紗羅各二疋。景泰三年。因王求討。給傘蓋一把。蟒龍衣服一領。○使臣通事頭目人等。初到。賞織金表羅衣服靴鞵。正賞紵絲紗羅絹布。女使并女頭目俱同。○貢物給價。

彭亨國。洪武十一年。賜國王王妃紵絲紗羅共四十八疋。使臣織金絲段衣服有差。百花國。洪武十一年。賜國王及使者織金絲段紗羅衣服有差。

三佛齊國。洪武四年。賜國王大統曆及絲段紗羅。使臣紗羅絲段有差。六年。賜國王絲段紗羅二十四疋。正使三人各二疋。衣一套。副使二人各一疋。通事以下。布帛有差。十年。給王及使臣織金絲段紗羅靴鞵等物有差。

浮泥國。洪武四年。賜國王織金絲段紗羅。及使者綺帛有差。永樂六年。王來朝。給冠帶襲衣。王

子襲封還國。賜金鑲玉帶一條。金百兩。銀三千兩。及錢鈔錦綺羅傘褥帳幔器皿等物。王母王叔以下。各有賜。○正貢外。附帶貨物。俱給價。

蘇門答刺國。永樂三年。賜國王綵段襲衣。宣德六年。賜錦二段。紗羅各四疋。絹十三疋。妃。紵絲五疋。紗羅各四疋。絹六疋。進馬。回賜綵段二十表裏。後照此例。正使賞綵段五表裏。紗羅各一疋。折鈔絹四疋。通事頭目使臣妻等。各賞具有差。○正貢外。使臣人等。自進物。俱給價。

蘇祿國。永樂間。賜國王紗帽。金鑲玉帶。鈔花。

帶金蟒龍等衣服。金銀錢鈔珍珠錦紵絲紗羅器皿鋪陳等物。王妃冠服銀錢紗紵絲等物。王男女親戚頭目使女冠帶衣服諸物。各有差。○貨物例給價。免抽分。

西洋瑣里國。洪武三年。以其國來朝。涉海道遠。賜賚甚厚。永樂元年來朝。附載胡椒等物。皆免稅。

瑣里國。洪武五年。賜國王大統曆及織金綵段。紗羅各四疋。使臣綵段紗羅各二疋。僉從高麗布各二疋。

古里國永樂間賜國王王妃紵絲紗羅等物
淡巴國洪武十年賜國王織金綵段紗羅使臣
綵段襲衣等物有差

滿刺加國永樂三年賜國王綵段襲衣九年王
來朝賜錦繡龍衣二套麒麟衣二套及金銀器
皿幃帳衲褥王妃及其子姪陪臣僮從綵段紗
羅襲衣有差王還國賜金鑲玉帶一條儀仗一
副鞍馬二匹金百兩銀五百兩鈔四十萬貫銅
錢二千六百貫錦綺紗羅三百疋絹一千疋金
綺二疋織金文衣二件王妃冠服一副及銀紗

錦綺紗羅等物陪臣賞賜有差以後定例回賜
國王綵段十表裏紗羅各四疋錦二疋王妃綵
段五表裏紗三疋差來正副使并頭目初到每
人賞織金羅衣一套靴鞵各一雙正賞綵段四
表裏紗羅各二疋折鈔絹四疋織金紵絲衣一
套通事總管人等初到每人素羅衣一套靴鞵
各一雙正賞綾三疋折鈔絹六疋素紵絲衣一
套番伴初到每人絹衣一套靴鞵各一雙正賞
折鈔絹二疋綿布二疋胖襖褲鞋各一副其正
副使通事人等給賜冠帶及給換例與暹羅國

同○正貢外。附來貨物皆給價。其餘貨物許令貿易。

娑羅國永樂四年。賜國王紵絲紗羅共十六疋。織金大紅錦手巾一副。王妃紵絲紗羅共八疋。正副使并從人。鈔紵絲羅并衣服靴鞞。

阿魯國永樂五年。差中官給賜頭目紵絲紗羅共十疋。

小葛蘭國永樂五年。差中官給賜頭目紵絲紗羅共十一疋。

榜葛剌國永樂三年。賜國王紵絲紗羅各四疋。

絹八疋。王妃紵絲紗羅各三疋。絹六疋。十二年。給國王錦四段。綾六十疋。頭目人等給賞有差。錫蘭山國宣德八年。賜國王紵絲十八疋。紗四疋。王妃紵絲八疋。紗四疋。正使正賞。綵段八表。裏折鈔絹十疋。紗羅三疋。織金紵絲衣一套。副使正賞。綵段四表。裏折鈔絹七疋。紗羅各二疋。織金紵絲衣一套。通事番伴人等給賞有差。○使臣人等自進物俱給價。

呂宋國洪武五年。賜國王織金綵段紗羅。使臣并從人俱與瑣里國同。萬曆四年。以助討通賊。

正賞外。加賜如朝鮮國送回人口例。

迤北韃靼及瓦剌永樂宣德中賜瓦剌順寧王
綵段十表裏妃五表裏頭目一等者五表裏二
等至四等者四表裏正統二年賜韃靼虜王綵
段十五表裏虎班絹十疋妃八表裏頭目一等
八表裏二等六表裏三等五表裏四等四表裏
外有加賜六年賜迤北太師段絹與虜王同其
妻每口五表裏一等二等數內頭目每人加賜
織金綵段一表裏天順以後一等二等者不加
賜三等者俱二表裏差米正副使每人賞織金

衣一套靴鞞各一雙其後定例一等正副使每
人綵段六表裏絹五疋二等使臣綵段四表裏
絹三疋三等綵段二表裏絹二疋四等綵段一
表裏絹一疋俱與紵絲衣一套紅氍帽一頂靴
鞞各一雙數內婦女不與紅氍帽使臣自進中
等馬每匹綵段二表裏折鈔絹二疋下等馬綵
段一表裏絹八疋折鈔絹一疋下下等馬綵段
一表裏絹六疋折鈔絹一疋帶進在彼頭目馬
匹不分等第每匹綵段二表裏○給賜在彼頭
目一等每人綵段八表裏二等六表裏三等三

表裏四等。一表裏內一等二等緊要頭目。加賜織金綵段一表裏。○回賜永樂九年。回賜順寧等王。上等馬者各綵段十表裏。海青一連。四表裏。白狐皮二十七箇。四表裏。宣德間。回賜順寧王及使臣人等進馬中等者。每匹綵段二表裏。折鈔絹二疋。下等者。紵絲一疋。絹八疋。折鈔絹一疋。下下者。絹六疋。折鈔絹一疋。駝每隻三表裏。折鈔絹十疋。中途寄留倒死新生駒馬。每匹絹三疋。折鈔絹半疋。駝每隻絹六疋。折鈔絹一疋。海青一連。一表裏。銀鼠皮二百箇。十二表裏。

貂鼠皮二箇。絹一疋。青鼠皮十箇。絹一疋。土豹一箇。絹七疋半。正統元年。回賜使臣銀鼠皮每六箇。絹一疋。玉石。每一斤。絹一疋。二年。回賜虜王及頭目使臣人等馬。每匹綵段二表裏。貂鼠皮五十箇。四表裏。使臣者。每二箇。絹二疋。銀鼠皮五十箇。二表裏。白兔皮三箇。絹一疋。白狐皮一箇。絹一疋。小斲一名。二表裏。三年。貂鼠皮每十箇。絲段一表裏。四年。貂鼠皮。每三箇。絹一疋。使臣人等。到京續進馬。俱照下等馬例。回賜。五年。回賜銀鼠皮與熟紅絹。六年。青鼠皮。每二十

箇絹一疋。使臣人等馬分三等。虜王并太師馬不分等第。八年。太師阿魯骨馬每匹綵段六表裏。使臣馬每匹四表裏。絹八疋。九年。進西馬者每匹綵段五表裏。絹十疋。撒哈刺每段絹九疋。十二年。阿魯骨馬每匹四表裏。○求討在彼頭目。一等二等并三等。內有係虜酋親及親信用事者俱請

旨給賜。弘治三年。三等以下。不給賜。差來使臣自元年。至三年四年俱有。

特賜○會同館開市。禮部出給告示。除違禁物不許貿易。其餘絹布疋聽於街市與官員軍民人等兩平買賣。正統十年。許買賣五日。十二年。許瓦剌使臣賣馬。景泰元年。許買銅湯瓶。銅紅纓鞍轡。剪子等物。

順義王及套虜。嘉靖三十年。虜酋首馬賞金頂大帽。綵段衣服。隆慶四年。執叛人來獻。賞綵段四表裏。布一百疋。五年。虜酋順義王奉表獻鞍馬。賞大紅蟒白澤各紵絲衣一襲。綵段十五表裏。妻犬紅五絲紵絲衣二套。綵段四表裏。親弟及長子都督同知各綵段八表裏。蘭生絹二疋。

五絲紵絲衣一套木綿布四疋孫指揮使絲段
五表裏織金紵絲衣一套絹布同各枝指揮同
知千戶百戶等官各絲段三表裏織金紵絲衣
一套絹一疋布同差來夷使內小頭目各絲段
二表裏素紵絲衣一套布二疋散夷減素紵絲
衣段布同撰表夷賞如各枝例虜王

賜勅獎諭是年虜王又遣使代套首都督同知貢
馬賞大紅白澤紵絲衣一襲絲段八表裏套首
都督同知及指揮同知以下并差來小頭目散
夷各賞如例虜王仍

賜勅獎諭又以套首監市効勞賞絲段四表裏五
絲紵絲衣一套次首絲段二表裏織金紵絲衣
一套六年虜王增獻鞍馬弓矢賞大紅蟒白澤
獅子紵絲衣各一套絲段二十三表裏妻賞如
例萬曆三年以虜王能約束諸部五年無警加
賞銀三十兩紵絲蟒衣一襲絲段八表裏後每
五年加賞一次又虜王虜官每枝給

勅一道共七道○回賜隆慶五年順義王進上馬
三十匹每匹絲段二表裏闊生絹一疋以初貢
加絲段一表裏留邊馬四百七十九匹聽該鎮

支馬價銀五千兩給賞套虜進上馬二十匹。每匹綵段三表裏闊生絹一疋。留邊馬一百八十八匹。支各鎮兵餉銀一千八百兩給賞。六年議准上馬給段絹外。每匹加銀五兩。留邊馬每匹銀十兩。○求討隆慶六年。順義王奏請番僧與金字經五部。墨字經五部。差番僧二人。齎赴虜庭。併為傳誦。其差去番僧。先行順天府各給衣食銀十兩。差回。給賜禪衣坐具。併紵絲番僧衣一套。靴鞞各一雙。帶去番官。綵段二表裏。木綿布四疋。

彙顏福餘。泰寧三衛。差來并自來都督。賞綵段四表裏。絹二疋。都指揮。綵段三表裏。絹二疋。指揮。千百戶。所鎮撫頭目。每人。綵段二表裏。絹一疋。各織金紵絲衣一套。又各加綵段一表裏。舍人。每人。綵段二表裏。絹一疋。織金衣一套。達子。每人。綵段一表裏。絹一疋。素紵絲衣一套。婦女。有進貢者。每人。一表裏。絹一疋。紵絲女衣一套。隨來婦女。一表裏。絹一疋。絹女衣一套。以上靴鞞各一雙。奏事進貢。都指揮。絹二疋。綵段三表裏。織金衣一套。指揮。每人。絹一疋。綿布一疋。綵

段二表裏紵絲衣一套靴鞢各一雙舍人因事
進貢者每人綵段一表裏織金衣一套絹一疋
靴鞞各一雙嘉靖二十四年以朵顏都督能鈐
東夷人不擾邊境准與金帶及金頂大帽○回
賜自進并帶進馬匹不分等第每匹綵段二表
裏絹一疋駝每隻三表裏絹十疋在衛都督都
指揮每員加賜綵段一表裏○求討請
旨量與物件到京者照名給散在衛者請

勅開付差來人領去○領賞畢日許於會同館開
市三日鋪行人等照例將貨入館兩平交易順
天府仍行薊州遵化等處如三衛夷人回還到
彼聽令兩平交易每人許收買牛一隻犁鏵一
副鍋一口不許將違禁之物私自夾賣違者巡
按御史究治

東北夷女直進貢到京都督每人賞綵段四表
裏折鈔絹二疋都指揮每人綵段二表裏絹四
疋折鈔絹一疋各織金紵絲衣一套指揮每人
綵段一表裏絹四疋折鈔絹一疋素紵絲衣一
套以上靴鞞各一雙千百戶鎮撫舍人頭目每
人折衣綵段一表裏絹四疋折鈔絹一疋奏事

來者每人紵絲衣二件。綵段一表裏。折鈔絹一疋。靴鞵各一雙。嘉靖十年奏准。女直進貢賞賜視

勅書官職為隆殺。其有洗改職銜者。將應得賞賜減一等。原無

勅書者。止與舍人賞賜。各番夷倣此。四十三年題准。女直正賞。綵段絹疋。俱准折給銀兩。○回賜進過馬每匹。綵段二表裏。折鈔絹一疋。貂鼠皮每四箇。生絹一疋。零者每箇布一疋。嘉靖六年題准。馬價。綵段一疋。折給銀三兩。十三年議准。

俱與折給。○求討。弗提衛都督奏討冠帶蟒衣。欽賜大帽一頂。金帶一條。後又奏討。特與蟒衣一件。建州左衛都督奏討大帽金帶。亦准與。嘉靖三年。毛憐衛都督奏討大帽金帶。查已授職三年。准與。後未及三年者。皆立案。六年。令夷人止許穿用原賞花樣衣服。不許因而自行收買。如違買者。賣者皆治罪。後奏討蟒衣者。皆立案。○賞賜畢。日許於會同館開市三日。

大明會典卷之二百十一

貢者照前五等例無者與絹一疋嘉靖四十二年到京正使從人名色照四等例賞隆慶五年照五等例賞寄住甘州有進貢者俱與綵段一表裏不與衣服靴鞮○回賜大馬每匹綵段四表裏達馬不分等第每匹二表裏駝每隻四表裏駝羔每隻紵絲一疋絹二疋倒死駝絹六疋折鈔絹一疋鎖服每段絹六疋金剛鑽上等每顆絹四疋成化十年金剛鑽二等每顆絹二疋三等每顆絹一疋四等每二顆絹一疋五等每顆布一疋番砂水晶石不與價弘治三年奏定

價例。玉石每斤絹一疋。夾玉石四斤絹一疋。速
來蠻石二斤絹一疋。青金石一斤絹一疋。把咱
石十斤絹一疋。螺子石六塊絹一疋。松都魯石
即水舊例每斤鈔十五貫。正統四年添作一百
貫。每二百貫折絹二疋。石頭靴八箇。礮砂八斤。
各絹一疋。魚牙靴小刀每把絹二疋。鑕鐵大刀
每把絹五疋。拐棍刀每把絹五疋。兩刃劍每把
絹八疋。鑕鐵銼一把。鑕鐵鏡一面。各絹二疋。鑕
鐵二斤。絹一疋。撒哈刺馬黑曠每段各絹九疋。
刀紬。番名黃馬每段絹一疋。馬服屯。即番每二

段絹一疋。虎力麻五疋。絹二疋。藍花手巾二條。
絹一疋。榜馥蘭每斤絹四疋。硝子阿忌馬亦一
箇。絹一疋。硝子遮眼。矮綿三箇。絹一疋。蛤蚧四
箇。絹二疋。梧桐鱗十斤。雌黃十五斤。各絹一疋。
蛇角二枝。一表裏。羚羊角四斤。絹一疋。豹皮。即
列孫二張。綵段一表裏。金線豹皮一張。一表裏。
獅子皮一張。二表裏。哈刺虎刺皮一張。一表裏。
鐵角皮二條。絹一疋。銀鼠皮六箇。貂鼠皮三箇。
青鼠皮二十箇。白兔皮三箇。白狐皮一張。駝皮
獺皮每箇。各絹一疋。能馬尺。即羊五張。絹二

疋卜刺硠兒皮。卽牛四張絹一疋。哈刺卜花二十張絹一疋。樺皮方一張絹八疋。回回木梳細者六箇絹一疋。粗者十箇絹一疋。珊瑚珠正統中每十四兩絹四疋。今每兩絹二疋。鎖鎖葡萄每斤絹一疋。使臣自進中等馬每匹紵絲一疋。絹八疋。折鈔絹二疋。下等馬每匹紵絲一疋。絹七疋。折鈔絹一疋。新生馬駒中途倒死馬每匹絹三疋。駝每隻三表裏絹四疋。帶進西馬每匹五表裏阿魯骨馬每匹六表裏。○求討。正統四年。忠順王奏討與紵絲四表裏。天順四年。王母

差來使臣願去厚榜紙中夾紙各三百張。心紅三斤。金箔一百帖。胡椒萹荻各十斤。桐油十斤。白礬十斤。丁香。乳香。檀香各三斤。良薑。桂皮各五斤。細茶三十斤。洗面銅盆一箇。成化十二年。苦峪城使臣奏討加絹一疋。十三年。又准加拊衣絹一疋。十五年。再加絹一疋。○使臣進貢到京者。每人許買食茶五十斤。青花瓷器五十副。銅錫湯瓶五箇。各色紗羅綾段各十五疋。絹三十疋。三梭綿布夏布各三十疋。綿花三十斤。花毯二條。紙馬三百張。顏料五斤。果品。沙糖。乾薑。

各三十斤。藥餌三十斤。馬梅三十斤。皂白礬十斤。不許過多。就館中開市五日。除違禁之物并鞍轡刀箭外。其餘段疋紗羅等項。不係黃紫顏色。龍鳳花樣者。許官民各色鋪行人等持貨入館。兩平交易。該城兵馬司差人密切關防。及令通事管束。毋得縱容鋪戶夷人在外私自交易。如有將違禁等物及通事人等故違者。許各該委官體察通行拏問。後又奏准未領賞前開市二日。領賞後開市三日。其奏討沿途收買牛羊鐵鍋犁鐮者。聽於臨洮府蘭州地方與軍民兩

平收買。不許過多。仍令伴送人員及所在官司防範。不許將熟鐵兵器夾賣。及因而生事擾人。哈烈等三十八國。及天方國。日落國。各賞例與哈密同。

安定衛。洪武七年。安定王來朝貢。賜織金文綺四疋。其貢賜賞例。到京國師。絲段四表裏。絹二疋。紵絲僧衣一套。舍人并使臣。每人二表裏。紵絲衣一套。僧人。每人一表裏。紵絲番僧衣一套。靴鞮各一雙。○回賜。自進并帶進駝。每隻絲段三表裏。絹四疋。馬。每匹二表裏。○襲封。洪武八

年賜嗣王

勅書誥命各一道。織金紵絲衣一套。綵段六表裏。諭祭已故王祭文一道。降香一炷。新釵一千。冒禮部差通事一員。送請封人至西寧衛交割本衛差頭目一員。齎封物同原來人前去本地投封。別差頭目一員。齎祭物。另辦齋糧五十石。麻布五十疋。食茶二百斤。量帶軍士同去行祭。

罕東赤斤蒙古永樂二年。賞賜差來都指揮。指揮綵段三表裏。織金紵絲衣一套。靴鞵各一雙。千百戶鎮撫綵段二表裏。舍人一表裏。俱與素

紵絲衣一套。靴鞵各一雙。存留甘州男婦有進貢者。綵段一表裏。生絹一疋。無者。生絹一疋。布一疋。○回賜帶進駝。每隻綵段四表裏。中等馬每匹二表裏。下等馬每匹紵絲一疋。生絹四疋。目進中等馬每匹紵絲一疋。生絹八疋。下等馬每匹紵絲一疋。生絹四疋。

土魯番使臣到京。并存留賞賜。自進并帶進駝馬等物。回賜。及賣買俱照哈密例。嘉靖二年。瑪瑙數珠一串。與絹四疋。紅絹道布一疋。絹六疋。鞍子一面。絹四疋。撒袋一副。絹二疋。其鑲鐵銜

多不真正。每貢不過百把。每二把與絹一疋。三
本。二年進貢。回青三百三十一斤八兩。會估
每斤與銀二兩。三十八年題准。五地面自進并
帶進過各番王頭目馬匹。阿剌骨上等。每匹綵
段六表裏中等。每匹綵段三表裏下等。每匹綵
段一表裏。達馬中等。每匹紵絲一疋。絹八疋。折
紗絹二疋。下等。每匹紵絲一疋。絹七疋。折鈔絹
一疋。上等。達馬原無賞例。比照中等。達馬賞例
外。每匹量加生絹一疋。四十三年進獅子。每隻
綵段八表裏。○各地面夷使除正進方物給賞

待子孫襲替日。另行填給。○萬曆六年題准。將
清查過各黃騰錄。緊要畧節。約為冊籍二本。存
留部科。以便稽查。○十一年題准。凡遇清黃年
分行令各該衙門。將各官脚色。以立功之人為
主。備開從軍充發來。歷得功陞官次數。世系支
派。嫡庶長次。稱謂并事故。襲替遇例。比例實授
等項。月日。并近年獲功新陞官員。應世襲者。備
寫明白。如旁枝異姓。及犯強盜。不孝。敗倫。犯姦。
降級調衛等項。亦要從實開報。另造親供手冊。
名一樣二本。依限送部。○十二年題准。清黃事

例行各巡撫責令都司將所屬衛所官除照常供冊外另造總數花名文冊俱付本年進表都司順齎校部聽司官查比如池遠本年不能到將本官職名註簿另限催送完銷違限叅究停其遷轉管黃司官置立簿扇督同監生將供冊詳查如有隱年久為年淺改借職為本職一切含糊關係重大者將各該衛所官不時叅奏止是差訛完日查叅將承行吏照例提問監生比對精詳者量賞仍定立程限將應清黃數析為三分每年務完一分三年內通完○又題准清

裏成化十九年進獅子二隻每隻比金線豹例加綵段五表裏弘治三年獅子一隻綵段八表裏正副使并送養人止正賞無加賞王止與回賜無特賜正德三年貢水晶碗一箇估值銀八兩令給絹與之每絹一疋作銀一兩四錢嘉靖二年議定上等玉石每斤絹三疋中等每斤絹二疋下等每斤絹一疋

魯迷嘉靖五年賞例與撒馬兒罕同
西番烏思藏洪武永樂以來給賜不等復定刺麻番僧人等從四川起送來者到京每人綵段

一表裏紵絲衣一套俱本色留邊賞同其絲段
一表裏折闊生絹四疋。紵絲衣一套內二件給
本色衣一件。折生絹三疋。俱賞鈔五十錠。折靴
鞞鈔五十錠。食茶六十斤。從洮河州起送來者。
到京每人折衣絲段一表裏後加一紵絲并綾
貼裏衣二件。留邊賞同。其絲段一表裏折生絹
四疋。俱食茶五十斤。靴鞞鈔五十錠。進過給軍
中等馬。每匹紵絲一疋。鈔三百錠。舊德等物例
不給價。帶進方物。回賜絲段四表裏。○凡各
違例多差人數。每人減絹二疋。或一疋。或三

或減綾貼裏衣。正德以後。二法王違例進貢多
至千人。並從減賞。到京者。絲段一表裏。留邊者
絹三疋。○嘉靖六年題准。烏思箴。長河西。朶甘
思。董卜。韓胡。金川。雜谷。達思。蠻加。渴瓦。寺。松。潘
洮。岷。等處。番人。番僧。正賞。折衣。絲段。俱與一疋
折給。有進馬者。計馬數與折。○賜封禮部行吏
部請給

誥命。

內府各衙門關造錦二段。紵絲十表裏。架染僧衣
一套。高頂僧帽一頂。水晶數珠一串。響鈸一副。

鈴杵二副白瓷茶鍾二箇滿答刺一箇連帶鸞帶一條靴鞵各一雙食茶一百斤檀香一炷請勅令大慈恩寺推刺麻二人為正副使帶領刺麻十名同原來請封刺麻齋奉前去番地授封差通事一員伴送至四川布政司交割從黎州或天全出境差去正副使每人賞鈔八十錠刺麻六十錠俱與番僧衣一套靴鞵各一雙贊善王授封從陝西兆州出境闡化等三王從四川出境成化五年授封闡化輔教二王差去正使人等自帶買路物件食茶二萬五千斤紵絲三百

疋羅一百疋絹一千疋青紅布三千五百疋金箔一萬貼胡椒一百斤十六年賞授封闡化王回還刺麻覺義等三十員名正使禪師覺義每人鈔八十錠綵段三表裏絹二疋副使都綱鈔六十錠二表裏差去刺麻每名鈔四十錠一表裏俱與紵絲番僧衣一套靴鞵各一雙帶去徒衆每人鈔二十錠一表裏進過毯氈等物不給價

長河西正統初賞賜宣慰司自來進貢者宣慰使鈔一百五十錠綵段四表裏指揮僉事鈔一

百錠綵段二表裏俱紵絲衣一套靴鞢各一雙
襲職進貢賞同國師并國師姪男進貢到京者
照宣慰使例都綱刺麻番僧人等進貢到京者
每人鈔五十錠綵段一表裏紵絲番僧衣一套
靴鞢各一雙食茶六十斤留邊賞同五年刺麻
番僧進馬到京每人鈔五十錠綵段一表裏折
衣綵段二表裏靴鞞各一雙進過馬不分等第
每匹鈔一百錠十年長河西招撫生番照本處
進貢番僧例每人賞鈔五十錠綵段一表裏折
衣綵段二表裏靴鞞各一雙仍加賞折衣綵段

一表裏景泰四年每人鈔五十錠綵段一表裏
不與衣服靴鞞天順元年照舊給賞三年尊勝
寺國師護印帶進舍利等物照先年烏思藏地
方都指揮使等事例量給綵段二表裏成化初
番僧人等到京每人闊生絹二疋鈔五十錠折
靴鞞鈔五十錠折衣綵段二表裏留邊賞同其
折衣綵段內一表裏折闊生絹四疋氍毹等物
例不給價帶進國師方物給賜綵段二表裏十
二年番人番僧九百名來貢以無勘合到京并
留邊者每人俱減絹二疋弘治二年留邊者減

三疋。○貢回市茶。弘治十四年題准。刺思岡尊勝等寺寨。到京番僧。每人許買食茶二百斤。嘉靖二十二年題准。如董卜韓胡例。

朶甘思。天順七年。宣慰使進貢到京。賞鈔一百五十錠。絲段四表裏。紵絲衣一套。靴鞢各一雙。其貢使賞例。禪師番僧人等。到京。每人賞鈔五十錠。絲段一表裏。紵絲衣一套。留邊。每人鈔五十錠。折表裏闊生絹四疋。紵絲衣一套。內二件給本色衣一件。折闊生絹三疋。俱與折靴鞞。五十錠。食茶六十斤。舊禮等物。例不給價。指揮

僉事。例加絹四疋。國師比禪師。加絹二疋。新招撫來貢者。到京。每人鈔五十錠。絹二疋。折衣絲段二表裏。留邊。每人鈔五十錠。絹二疋。折衣絲段一表裏。闊生絹四疋。各折靴鞞。鈔五十錠。方物俱不給價。弘治十七年。以人數過多。惟進貢及已賞未襲職。再來到京者。全賞。其留邊者。每人減絹二疋。

董卜韓胡。差來國師。禪師。都綱道官。刺麻。番僧。頭目。寨官人等。到京。每人絲段一表裏。留邊。每人折表裏。闊生絹四疋。俱與折鈔。絹二疋。靴鞞。

鈔五十錠。當僧每人紵絲綾貼裏僧衣一套。頭目人等每人紵絲綾貼裏俗衣一套。氈毯等物例不給價。○回賜土官綵段十表裏。妻綵段四表裏。嘉靖二年。以差來人數過多。惟正額到京者。全賞。其留邊應給折鈔絹二疋。令與絹一疋。鈔十錠。三年。減原給折表裏絹三疋。○貢回市茶。嘉靖八年。題准到京并留邊番僧。每人許自買食茶一百斤。行移右府出給勘合。填寫人數茶斤。仍行湖廣布政司著落該府許。令照數收買。自雇船隻載回。沿途關隘驗放出境。如有不

帶就彼盤驗入官

加渴瓦等寺刺麻番僧頭目寨首到京。每人綵段一表裏。折衣二表裏。留邊賞同。折衣每一表裏。與絹四疋。俱賞鈔六十錠。折靴鞵鈔五十錠。氈毯等物不給價。

金川寺進貢刺麻番僧到京。每人賞綵段一表裏。折衣綵段二表裏。留邊每人綵段一表裏。其折衣綵段二表裏。內一表裏。折生絹四疋。一表裏。折食茶一百斤。俱與鈔六十錠。折靴鞵鈔五十錠。氈毯等物不給價。弘治十七年。以人數過

多。惟年例進貢及襲職到京者全賞。其留邊應給折衣絹每人減三疋。

雜谷安撫司與金川寺例同。弘治十七年留邊每人減折衣絹二疋。嘉靖六年照舊給賞。每人量加食茶二十五斤。其所屬上草坡克州等寺寨。嘉靖六年題准留邊番僧每人減絹三疋。加食茶二十五斤。

打刺兒寨番僧到京每人綵段一表裏內一疋。給價銀三兩。折衣綵段二表裏與本色留邊每人綵段一表裏內一疋。如前給價。折衣綵段二

表裏。每一表裏折給闊生絹四疋。共八疋。俱賞鈔六十錠。折靴鞮鈔五十錠。方物例不給價。

達思蠻長官司正統中進貢到京。并留邊番僧人等。每人鈔四十錠。綵段一表裏折衣二表裏。

靴鞮各一雙。弘治二年照前賞例。各減折衣一表裏。留邊折衣與生絹四疋。靴鞮俱折鈔十錠。長寧及韓胡碉由松潘起送番僧。賞例與達思蠻同。其松潘茂州等處進貢到京馬。每匹賞鈔一百錠。鐵甲氍毹等物不給價。

陝西洮岷等處番僧到京。并存留。每人賞折衣

綵段一表裏折靴鞮鈔五十錠馬每匹紵絲一疋鈔三百錠上等馬加絹一疋駝每隻綵段三表裏絹四疋內瞿曇寺到京禪師加番僧衣一套不由所在官司給文起送私自來京謝

恩等項進貢者止給馬駝價不賞嘉靖十七年慧濟扯巴寺番僧進貢到京八名每名綵段一表裏折衣綵段一表裏留邊七名每名折衣綵段一表裏折與闊生絹四疋俱各與綾貼裏衣二件靴鞮鈔五十錠食茶五十斤進過馬每匹紵絲一疋鈔三百錠方物例不給賞二十七年到京

并留邊加至一百八十七名以人數過多議將到京十五名照例給賞留邊六十七名照兆州番僧例每人賞折衣綵段一表裏折靴鞮鈔五十錠食茶五十斤其新增一百五名每名給與闊生絹二疋食茶四十斤進過馬匹照前給賞經該起送官員以違例察治

兆岷等處番族到京并存留番人每人賞綵段二表裏絹二疋鈔二十錠折靴鞮鈔五十錠進馬每匹紵絲一疋鈔三百錠盛甲腰刀例不給賞嘉靖六年奏准折衣綵段并馬價綵段每匹

折銀三兩以上俱許開市三日

會典卷之一百十二

大明會典卷之一百十三

禮部七十一

給賜四

上官

雲南徼外上官進到象馬金銀器皿寶石等件
例不給價其賜例各不同

車里給賜宣慰使錦二段紵絲紗羅各四疋
妻紵絲羅各三疋差來頭自每人紵絲紗羅
各四疋折鈔絹二疋布一疋通事每人絲段
一表裏折鈔絹一疋俱與羅衣一套象奴從
人每人折鈔綿布一疋絹衣一套俱與靴襪

各一雙

木邦給賜宣慰使錦二段紵絲紗羅各三疋。妻紵絲羅各二疋。差來陶孟每人紵絲紗羅各三疋。折鈔絹二疋。布一疋。招剛每人紵絲紗羅各二疋。折鈔絹二疋。通事每人綵段一表裏。折鈔絹一疋。俱與羅衣一套。象奴從人每人折鈔綿布一疋。絹衣一套。俱與靴襪各一雙。

緬甸給賜宣慰使錦二段。紵絲紗羅各三疋。妻紵絲羅各三疋。差來頭目每人紵絲羅各三疋。紗二疋。鈔六十錠。招剛每人紵絲羅二疋。紗一疋。鈔四十錠。俱與羅衣一套。通事鈔三十錠。象奴從人每人鈔十五錠。俱與絹衣一套。靴襪各一雙。

老揭并八百。賜例俱與車里同。但通事羅衣改紵絲衣。

孟養給賜孟養思六及妻與車里同。差來陶孟每人紵絲羅各四疋。紗二疋。折鈔絹二疋。綿布二疋。招剛每人紵絲羅三疋。紗二疋。折鈔絹一疋。綿布一疋。招八。每人紵絲紗羅各

一疋。折鈔絹一疋。通事。每人紵絲一表裏。折鈔絹一疋。各與紵絲衣一套。象奴每人折鈔綿布一疋。絹衣一套。俱與靴鞵各一雙。進過馬每匹絹五疋。

孟密。給賜女土官。及其子安撫。俱紵絲紗羅各三疋。安撫妻。紵絲羅各二疋。差來頭目。陶子孟招剛。通事。象奴。從人。賞例與木邦同。

孟連。給賜土官。紵絲紗三疋。羅二疋。絹四疋。妻。紵絲羅各二疋。差來頭目。舍人。每人綵段二表裏。羅衣一套。通事。鈔二十錠。絹衣一套。

從人。每人鈔十五錠。絹衣一套。俱與靴鞵一雙。

孟良。給賜土官。舍人。紵絲紗羅各二疋。差來頭目。紵絲羅各二疋。紗一疋。折鈔絹一疋。通事。每人折鈔絹一疋。俱與羅衣一套。從人。每人折鈔綿布一疋。絹衣一套。俱與靴鞵各一雙。

鄧川州。賜例與孟連同。象奴。賞與從人同。

湖廣。廣西。四川。雲南。貴州。腹裏土官。朝覲。進到方物。及中途倒死馬匹。例不給價。到京馬匹。每

匹賜鈔一百錠。其賜各不同。

凡三品四品。回賜鈔一百錠。綵段三表裏。推

州貴州二宣慰使。賜五品鈔八十錠。綵段三

表裏。六品。鈔六十錠。綵段二表裏。八品

九品。鈔五十錠。綵段一表裏。雜職衙門并頭

目人等。自進馬匹方物。鈔四十錠。綵段一表

裏。弘治十四年。瓊州崖州起。送土官。每〇差

來通事把事頭目各鈔二十錠。綵段一表裏。

隨來土官弟男。并把事頭目人等。鈔二十錠。

從人伴吏。鈔十錠。播州差來長官。鈔四十錠。

鈔三十錠。貴州差來舍人。鈔二百五十五錠。綵段一表裏。通事十錠。綵段一表裏。把事十五錠。綵段一表裏。頭目從人賞鈔如例。

凡進馬一二匹。及方物輕者。止照雜職例賞。

嘉靖元年奏准。朝覲到京。以馬數多寡為差。

進馬一二匹者。准一人作差。來者色賞鈔二

十錠。綵段一表裏。三四匹者。作二人。五六匹

者。作三人。綵段鈔錠照數遞加。〇二年題准。

若所差係土官弟姪兒男。進馬四匹以上。與

方物重者。照舊例。以衙門品級高下為差。其

馬少物輕者。照雜職例。若所差係通把頭目

人等照新例以馬數方物多寡為差

凡到京過期減半給賞弘治三年以後正月內到者亦全賞二月到者減半該賞半表裏者折與陶生絹二疋○隆慶五年題准過期半年以上不給賞

凡謝恩差來人與雜職賞同貴州土官減鈔二十錠隨來通把從人給鈔如朝覲例

凡慶賀貴州差來舍人賞鈔五十錠綵段二表裏把事鈔十五錠綵段一表裏通事從人鈔如朝覲例四川土官差來人進馬者鈔二

十錠綵段一表裏進降香茶蠟等物者鈔二十錠絹二疋隨來人鈔十錠

給賜番夷通例

凡給賞段絹等物萬曆六年題准各織造去處撫按官痛革尅減冒破奸弊有仍將粗惡不堪之物解進該部科將撫按等官一體查叅其給賜衣服靴鞵等件該衙門成造務要精好如有不堪聽禮部具實叅奏重治其留邊給賞齎去人員有將賞物抵換勒捐者督撫官查叅重治至於各夷所得賜物不許於開市之日貨賣或

願折價禮部題照原價折給

凡齋發貢夷賞賜萬曆七年題准各貢夷慶賀
事完即行頒給賞賜齋發回還毋令稽留久住
致惹事端○又議准每夷人到館該館官先將
各夷數目一體報知戶工衙門該司一面知會
內府衙門俱各預為整理賜物候禮部咨文到日
即照數檢點及回咨掛號各須土緊定限半月
以裏通行關領禮部一面題給一面知會兵部
查發勘合速令起程其該邊奏報并禮部題行
各衙門關領日期即于故賞奏內題知以便稽

考

凡賜物折價嘉靖六年議准女直夷人及番僧
番人給賜綵段自願折銀者織金每疋折給銀
三兩八錢素者三兩五錢○隆慶三年議准西
番貢夷全賞者禮部照例分別題請頒給減賞
者每名給銀三兩絹二疋每疋折銀三錢於本
布政司庫貯銀內支給○萬曆六年題准各夷
來京應賞人數凡折衣折段銀兩行工部俱給
以見貯銀兩不必轉行該省其支茶勘合及在
邊半賞人數銀兩禮部先咨巡撫衙門轉行布

政司仍另給夷人為照待到日將夷人領去勘
合與禮部先發咨文對同方准支給其存留在
邊全賞人數銀兩禮部驗封明白亦咨巡撫衙
門與夷人所執公文查對相同給發仍將各項
銀段及食茶數自行都督府填入過關勘合以
便互校差去通事官令守取巡撫回咨備開散
過齋去存留銀段若干支過食茶及半賞銀兩
若干以免誑騙沈匿等弊如咨內數目不合及
無回咨將通事從重參問

凡貢夷病故在中途者例不給賞萬曆六年題

准各鎮清查病故夷人賞物留充下年給賞之
數

凡投降夷人每名賞素紵絲衣一套綿布十疋
鈔一百錠米三石牛二隻羊五隻柴五百斤隨
來婦人每口綿布三疋鈔十錠

凡入官貨物洪武二十六年定凡遠夷之人或
有長行頭匹及諸般物貨不係貢獻之數附帶
到京願入官者照依官例具奏關給鈔錠酬其
價值○弘治間定凡番國進貢內國王王妃及
使臣人等附至貨物以十分為率五分抽分入

官五分給還價值。必以錢鈔相兼。國王王妃錢
六分。鈔四分。使臣人等。錢四分。鈔六分。又以物
折還。如鈔一百貫。銅錢五串。九十五貫折物。以
次加增。皆如其數。如奉

旨特免抽分者。不為例。○凡番國進貢船內搜出私
貨。照例入官。俱不給價。其奉

旨給與者。不為例。

凡番貨價值。弘治間定。田田并番使人等進貢
寶石等項。

內府估驗定價例。赤金每兩直鈔五十貫。足色銀

每兩十五貫。錫每斤五百文。珮球鐵每斤三百
文。腰刀每把三貫。番弓每張二貫。番箭每枝一
百文。鶴頂每箇一貫。玳瑁盒每箇一貫。玳瑁盃
每箇一貫。珊瑚枝每斤三十貫。珊瑚珠每兩二
貫。夫玻璃瓶碗每箇三貫。小玻璃瓶碗每箇二
貫。玻璃燈甌每箇二貫。粟米珠每兩五貫。象牙
每斤五百文。暹羅翠毛每斤三百文。古刺水內
大合一貫。小合五百文。回回石青每斤一貫。烏
參泥每斤五百文。油血石每兩二貫。番砂每斤
二百文。膽礬每斤二貫。安別牙每斤一貫。黃蠟

每斤五百一 雄黃每斤五百文 阿魏每斤二貫

華荖每斤二貫 沒藥每斤五貫 滿刺加 肉苳菹

每斤五百文 暹羅白荳 荳蔻花每斤五百文 華

燈茄每斤一貫 悶虫藥每斤二百文 大楓子每

斤一百文 暹羅 木驚子每斤三百文 血竭每斤

一十五貫 龍涎每兩三貫 蘇合油每斤三貫 乳

香每斤五貫 暹羅 四 沈香每斤三貫 速香每斤

二貫 丁香每斤一貫 木香每斤三貫 金銀香每

斤五百文 降真香每斤五百文 暹羅 黃熟香每

斤一貫 暹羅 安息香每斤五百文 卮一花每斤

一貫 丁皮每斤五百文 暹羅 蘇木每斤五百文

暹羅 烏木每斤五百文 暹羅 刺加 紫

木每斤五百文 胡椒每斤三貫 暹羅 球 三十五貫

刺加 二鹽每斤一百文 藤竭裏襄每斤一貫 父

牙吸荅納每斤五百文 八的阿納每斤四百文

三額阿刺必每斤五百文 別模刺每斤五百文

厥枯露每斤二百文 加定每斤五百文 哈都味

思每斤五百文 阿思模達塗兒氣每斤五百文

蘇麻達每斤二百文 花種單每條一十貫 大花

手中每條二貫 小花手中每條一貫 絲手中每

條二貫。紵紋節知被。每條五貫。苾布。每疋一十
 五貫。撒哈刺。每疋一百貫。堯羅布。每段一十貫。
 油紅布。每段一貫五百文。青布。每段一貫五百
 文。花布。每段一貫。暗花打布。每段一貫。沙連布。
 每段一貫。首查禮布。每段一貫。加籠宜布。每段
 一貫。烏連布。每段一貫。勿那朱布。每段一貫。各
 採鹿鹿布。每段一貫。日本國附進刀劍。每把鈔三
 貫。內一分與錢九分。支絹。每
 鈔一百貫。該絹一疋。其擅檀香。每十斤。銀一
 兩。折錢七百文。暹羅滿刺加檀香。俱每斤。銀一
 十貫。暹羅藤黃。每斤。鈔十五貫。紫莖。每斤。銀
 三十貫。琉球暹羅滿刺加。每鈔二百貫。暹羅
 一疋。

凡折還物價。弘治間定。各色紵絲。每疋折鈔五
 百貫。各色綾子。每疋三百貫。各色紗。每疋三百
 貫。各色絹。每疋一百貫。青絨毯子。每疋六百貫。
 駝褐毯子。每疋六百貫。青花白瓷盤。每箇五百
 貫。碗。每箇三百貫。瓶。每箇五百貫。酒海。每箇一
 十五百貫。豆青瓷盤。每箇七百貫。牛瀆。每箇
 一百貫。瓶。每箇一百五貫。鑽香。每斤。銀十五
 百貫。樟腦。每斤一百貫。良薑。每斤。銀十五貫。夫
 黃。每斤三十貫。鐵鍋。三尺。闊面。每箇。銀百五十
 貫。

歲進

舊例歲進茶芽及米瓜藥材俱從土產處起
解轉送該衙門供御者有定數其後又有別項
及諸時鮮等物四錢四分

茶芽

每斤八十八兩八分七釐

各處歲進茶芽每斤正三年曠准限數兩後

十日差解赴部發送每斤實收違限一月以上

送問雖有公文每斤與准限九十六兩三分九釐

計茶芽四斤每斤內十二兩三斤每斤南京約分七

直隸五百斤

常州府宜興縣一百斤內二十斤南京禮部

納限四十六日

廬州府六安州三百斤限二十五日

廣德州七十五斤建平縣二十五斤限四十

六日

浙江五百斤

湖州府長興縣三十斤南京納

紹興府嵊縣八斤會稽縣三十二斤限五十

五日

温州府永嘉縣一十斤樂清縣一十斤限七

十七日

杭州府臨安縣二十斤。富陽縣二十斤。限五
十二日

寧波府慈谿縣二百六十斤。限六十一日

處州府麗水縣一十五斤。縉雲縣六斤。青田
縣六斤。遂昌縣六斤。限七十日

金華府金華等縣共二十二斤。限六十四日

衢州府龍游等縣共二十斤。限六十七日

台州府臨海等縣共一十五斤。限七十一日

嚴州府建德縣五斤。淳安縣四斤。遂安縣三

斤。壽昌縣三斤。桐廬縣二斤。分水縣一
斤。限五十八日

江西四百五十斤

南昌府七十五斤。限六十日

南康府二十五斤。限五十一日

贛州府一十一斤。限八十三日

袁州府一十八斤。限七十九日

臨江府四十七斤。限六十五日

九江府一百二十斤。限五十五日

瑞州府三十斤。限六十四日

建昌府二十三斤。限七十五日

撫州府二十四斤。限七十三日

吉安府一十八斤。限七十一日

廣信府二十二斤。限七十五日

饒州府二十七斤。限六十一日

南安府一十斤。限九十日

湖廣二百斤。內十八斤。南京納

武昌府興國州六十斤。限五十四日

岳州府臨湘縣十六斤。限七十一日

寶慶府武崗州二十四斤。邵陽縣二十斤。新

十一斤。補骨脂十五斤。巴豆四斤

黃魚

浙江嘉興府歲進黃魚三百尾。俱行乍浦河泊所。小滿時節採捕沿途換冰。接救到京。通政使司投本。尚膳監交收。禮部批迴。

魚鮓

湖廣布政司歲進鱮魚鯉魚鮓。各四桶。糟鮓魚。鱮魚各四桶。醬子鮓。一十二桶。乾鯉魚五十斤。鱮魚筋并面肉四十把。鱮魚肚四十箇。并代鎮守衙門原進鱮魚鯉魚鮓各十桶。醬

子鮮二十桶俱行武漢黃岳常鴻六府州造辦
咨呈禮部轉送光祿寺交收禮部批迴

川扇

四川布政司造撫臣奏進歲例扇一萬一千五百四十把嘉靖三十年加造備用扇二千一百把四十三年又加造小式細巧扇八百把共一萬四千四百四十把初起鎮守中官後以為常

又

蜀王府別有奏進

大明會典卷之一百十三

